



Prishtinë, 30 dhjetor 2010

Nga: **Dr. Ali Hamiti**, Kryesues i Bordit të ZRRE-së

Për: **Z. Fadil Ismajli**, Drejtor Menaxhues, KOSTT sh.a

Kopje: **Znj. Justina Pula-Shiroka**, Ministre e Energjisë dhe e Minierave

**Z. Ismet Krasniqi**, Sekretari Kuvendit të Kosovës

**Znj. Resmije Ahma**, Drejtoreshë për Tarifa dhe Çështje Rregullative, KOSTT sh.a.

**Lënda: Shqyrtimi i Tarifave të Energjisë Elektrike (SHTE5)**

**Të nderuar,**

Po ju njoftojmë lidhur me planin e realizimit të Shqyrtimit të pestë të tarifave të energjisë elektrike (SHTE5), që ka të bëjë me tarifatat dhe ngarkesat e reja që do të hyjnë në fuqi dhe do të zbatohen nga data 1 prill 2011.

Siç jeni në dijeni, ligjet e reja për Sektorin e energjisë kanë hyrë në fuqi më 1 dhjetor të këtij viti, dhe legjislacioni sekondar për implementimin e këtyre ligjeve duhet të kompletohet brenda nëntë muajsh. Gjatë kësaj periudhe kohore, ZRRE-ja do të identifikojë ndryshimet e nevojshme në legjislacionin sekondar si pasojë e ndryshimit të ligjeve, duke përfshirë këtu edhe legjislacionin që ka të bëjë me rregullimin e tarifave. Për këtë arsye, ky shqyrtim tarifor do të realizohet në bazë të legjislacionit sekondar ekzistues.

**Orari tentativ për SHTE5 është si vijon:**

- 06 janar 2011: Dërgimi nga ZRRE i formularëve të aplikacionit për tarifa.
- 28 janar 2011: Dorëzimi i aplikacioneve të tarifave nga të licencuarit.
- 18 shkurt 2011: Publikimi i aplikacioneve për tarifa dhe vlerësimi i tyre nga ZRRE-ja, si dhe propozimet e ZRRE-së për tarifatat e rregulluara dhe për ngarkesat.
- 4 mars 2011: Afati i fundit për dorëzimin e komenteve nga palët e interesit, lidhur me vlerësimet e ZRRE-së.
- 16 mars 2011: Publikimi i përgjigjeve të ZRRE-së lidhur me komentet e të palëve të interesit.
- 23 mars 2011: Vendimi i ZRRE-së për tarifatat dhe ngarkesat e reja.

## **Udhëzime lidhur me aplikacionin**

Aplikacioni Juaj duhet të marrë parasysh udhëzimet në vijim:

- Bilanci i energjisë i paraqitur si pjesë e aplikacioneve të tarifave duhet të jetë në përputhje me atë të miratuar nga MEM-i për vitin e ardhshëm. Çfarëdo devijimi nga ky bilanc i miratuar duhet të justifikohet në mënyrë të plotë.
- ZRRE-ja do t'i publikojë aplikacionet e tarifave të marra nga të licencuarit së bashku me vlerësimin e ZRRE-së për to. Për këtë arsye, të Licencuarit duhet të identifikojnë pjesët e aplikacioneve të tyre të cilat i konsiderojnë si konfidenciale.

Ju lutemi që për çdo informacion shtesë të na kontaktoni pa hezitim.

Me respekt,

Dr. Ali Hamiti

Kryesues i Bordit të ZRRE-së